



LIMPOPO

PROVINCIAL GOVERNMENT
REPUBLIC OF SOUTH AFRICA

DEPARTMENT OF EDUCATION

DEPARTEMENT VAN ONDERWYS

GRAAD 12

AFRIKAANS TWEEDE ADDISIONELE TAAL

VRAESTEL 2: SKRYF

AUGUSTUS 2009

PUNTE: 80

TYD: 2½ uur

Hierdie vraestel bestaan uit 12 bladsye.

INSTRUKSIES EN INLIGTING

1. Hierdie vraestel bestaan uit DRIE afdelings.

AFDELING A	Opstel	40 punte
AFDELING B	Langer transaksionele tekste	20 punte
AFDELING C	Korter tekste	20 punte

2. Beantwoord EEN vraag uit elke afdeling.
3. Skryf in die taal wat geassesseer word.
4. Skryf die nommer en die onderwerp wat jy kies, duidelik boaan.
5. Gee spesiale aandag aan spelling, taal en sinskonstruksie.
6. Jy moet beplanning (bv. 'n kopkaart, vloeidiagram, diagram, sleutelwoord, ens.) redigeer en jou skryfstukke proeflees. Die beplanning moet VOOR die opstel wees.
7. Alle beplanning moet duidelik aangedui word. Trek 'n streep deur die beplanning as jy jou finale weergawe klaar oorgeskryf het.
8. Daar word sterk aanbeveel dat 60 minute aan Afdeling A , 30 minute aan Afdeling B en 30 minute aan Afdeling C bestee word.
9. Nommer elke teks soos wat dit in die vraestel genummer is.
10. Voorsien elke teks van 'n gepaste opskrif/titel.
- LET WEL: Die titel word nie in aanmerking geneem as die woorde getel word nie.
11. Skryf netjies en leesbaar.

AFDELING A: OPSTEL

VRAAG 1

- Skryf 'n opstel van ongeveer 200-250 woorde oor EEN van die onderwerpe.
- Skryf jou beplanning neer en dui die finale produk aan.

1.1 'N TWEEDE KANS

Partykeer gaan dinge heeltemal verkeerd in 'n mens se lewe. Dit kan jou eie skuld wees. Dalk het dinge net verkeerd gegaan. Maar dan kry jy 'n tweede kans.

Skryf 'n opstel waarin jy vertel van 'n tweede kans wat iemand gekry het.

Hou die volgende in gedagte:

- Met wie het dit gebeur?
- Wat het hierdie persoon gedoen?
- Wat het alles verkeerd gegaan?
- Wat het gebeur dat hy/sy nog 'n kans gekry het?
- Hoe het die dinge reggekome?
- Watter les het die persoon geleer?

OF

1.2 'N SPESIALE ONDERWYSER



[Uit: Image Library]

'n Onderwyser is 'n belangrike persoon in 'n kind se lewe. Hy/sy kan 'n groot verskil aan 'n kind se toekoms maak.

Vertel van die spesiale onderwyser in jou lewe.

Hou die volgende in gedagte:

- Wie is die onderwyser?
- Hoe lyk hy/sy?
- Wat doen hy alles?
- Wat maak hom/haar anders as ander onderwysers?
- Waarom sal jy hom/haar altyd onthou?

OF

1.3 WAT EK IN 67 MINUTE VIR ANDER GEDOEN HET

Nelson Mandela het 67 jaar van sy lewe vir die bevrydingstryd van die ANC gegee. Mense is uitgedaag om op die 18de Julie, vir 67 minute, iets vir iemand anders te doen.

Skryf 'n opstel waarin jy vertel wat jy vir 67 minute vir ander gedoen het.

Hou die volgende in gedagte:

- Waar was jy toe jy dit gedoen het?
- Vir wie het jy dit gedoen?
- Wat het jy gedoen?
- Hoe het gevoel toe jy klaar was?

OF

1.4 DIE FIFA KONFEDERASIE BEKER, AGT VAN DIE BESTE IN DIE WÊRELD



Suid- Afrika het gedurende Junie 2009 die FIFA Konfederasie Beker Toernooi gehou. Die agt beste spanne in die land het deelgeneem. Ons land was een van die agt spanne.

Skryf 'n opstel waarin jy vertel van die Konfederasie Beker toernooi.

Hou die volgende in gedagte:

- Wanneer het die FIFA konfederasie beker plaasgevind?
- Watter spelers was belangrik?
- Hoe het die verskillende spanne gevaar?
- Wat het met die Bafana Bafana gebeur?
- Waarom is die FIFA Konfederasie Beker Toernooi belangrik?

OF

1.5 Skryf 'n opstel oor enige EEN van die volgende prente.

1.5.1



[Uit: www.google.co.za 2009]

1.5.2



[Bron onbekend]

1.5.3



[Beeld 2005]

15.4



[clip art]

TOTAAL AFDELING A: 40

AFDELING B: LANGER TRANSAKSIONELE SKRYFWERK

VRAAG 2

- Skryf ongeveer 80-100 woorde oor EEN van die volgende onderwerpe.
- Skryf jou beplanning neer en dui die finale produk aan.

2.1 DIALOOG

Jou klasmaat het vir 'n week lank nie skool toe gekom nie. Hy/sy het vir die onderwyser vertel dat hy/sy siek was. Jy weet dit is nie so nie, want jy het gesien dat hy/sy saam met 'n groepie jongmense in die dorp rondgeloop het. Jy besluit dat jy daarvoor moet praat.



[www.spectronicinoz.com]

Skryf nou die gesprek tussen jou en jou klasmaat in dialoogvorm neer.

Hou die volgende in gedagte:

- Redes waarom die klasmaat nie skool bygewoon het nie.
- Redes waarom dit beter is om skool by te woon en nie te jok nie.
- Wat die gevolge van die afwesigheid van skool is.

Begin julle gesprek só:

Ek: Dis baie sleg dat jy nie verlede week by die skool was nie!

Maat:

Onthou: Daar moet 'n reël oop wees tussen elke spreekbeurt.

OF

2.2 FORMELE BRIEF AAN DIE PERS

Daar het die afgelope tyd baie misdaad in jou dorp plaasgevind. Mense is beroof, aangerand en motors is gekaap. Julle gemeenskap het besluit dat jy 'n brief aan die BEELD moet skryf. Gebruik die volgende adres: Posbus 80, Pretoria, 0001.



[gizmowatch.com]

Skryf nou daardie brief met die onderwerp: **MISDAAD VERNIETIG ONS GEMEENSKAP**

Hou die volgende in gedagte:

- Watter soort misdaad vind in julle gemeenskap plaas?
- Hoe laat die misdaad julle voel?
- Wat doen die polisie aan die saak?
- Wat dink jy moet gedoen word om die misdaad te verminder?

OF

2.3 AANSOEK OM 'N BETREKING

Die volgende advertensies het in Zoutpansberger verskyn. Doen aansoek vir een van die volgende poste.

AL3 boerdery

**Aansoeke word ingewag vir die volgende tydelike pos:
REKENINGKUNDIGE BEAMPTTE - TYDELIK**

Ons benodig die dienste van 'n Rekeningkundige Beampte vir die tydperk 1 November 2007 tot 31 Maart 2008.

Vereistes:

- Goeie boekhouvaardighede.
- Moet met rekenaars kan werk.
- Moet salarisse en lone kan uitbetaal.
- Algemene kantoorwerk.
- Moet goed Afrikaans kan praat.

Salaris en voordele:

- Onderhandelbare salaris
- Plaasprodukte

Sluitingsdatum: 22 September 2007

Stuur skriftelike aansoek met minstens 3 verwysings aan:

Die Bestuurder
AL3 Boerdery
Posbus 63
Dendron
0715

Telnr. 015 501 0082
Faks 015 501 2243

VAKATURE

Vriendelike, opgeruimde, pligsgetroue dame/man benodig
as stoelassistent & sekretaris/sekretaresse.
MOET TOEPASLIKE ONDERVINDING HÊ.

STUUR AANSOEKE NA:

**TANDARTS
POSBUS 984
POLOKWANE
0700**

**Merk aansoeke:
Vir aandag:
MARTHIE**

Sluitingsdatum: 14 Augustus 2009

Hou die volgende in gedagte:

- Die pos waarvoor jy aansoek doen.
- Jou kwalifikasies.
- Waar jy al gewerk het.
- Wanneer jy sal kan begin werk.
- Waarom jy die beste persoon vir die werk sal wees.

OF

2.4 VERSLAG

In julle dorp is daar 'n huis waar kinders bly wie se ouers nie meer vir hulle sorg nie. Julle klas het gaan kyk hoe dit daar lyk. Dit gaan baie sleg.



[www.sacheriff.com]

Skryf 'n verslag vir die plaaslike owerheid/munisipaliteit om hulle te vertel wat in die kinderhuis aangaan.

Hou die volgende in gedagte:

- Hoeveel kinders is daar in die huis?
- Wie sorg vir die kinders?
- Wat is alles verkeerd in die huis?
- Wat moet gedoen word om die situasie te verbeter?

TOTAAL AFDELING B: [20]

AFDELING C: KORTER TEKSTE

VRAAG 3

- Skryf ongeveer 60-80 woorde oor EEN van die volgende onderwerpe.
- Skryf jou beplanning neer en dui die finale produk aan.

3.1 ADVERTENSIE

Julle het 'n nuwe sokkerklub begin en wil dit graag adverteer.



[freeclipart.com]

Stel 'n advertensie op wat in die plaaslike koerant sal verskyn.

Hou die volgende in gedagte:

- Waar is julle sokkerklub?
- Wie mag by die klub aansluit?
- Wanneer oefen julle?
- Wie is die afrigter?
- Aan watter liga wil julle deelneem?

ONTHOU

Dit moet soos 'n advertensie lyk.

Punte word vir die *inhoud* toegeken en nie vir die versiering nie.

OF

3.2 PLAKKAAT

Julle skool gaan 'n sportdag hou om geld in te samel vir 'n nuwe klaskamer. Maak 'n plakkaat om die sportdag te adverteer.

Hou die volgende in gedagte:

- Watter sportsoorte gaan julle aanbied.
- Datum, tyd en plek van die sportdag.
- Wie is almal welkom by die sportdag.
- Verversings wat beskikbaar gaan wees.

OF

3.3 POSKAART

Jy was op 'n skooluitstappie na die Krugerwildtuin. Jy is baie opgewonde, want julle het baie diere gesien.

Skryf 'n poskaart aan jou ouers en vertel hulle van julle besoek aan die Krugerwildtuin.

Hou die volgende in gedagte:

- Waarmee het julle gery?.
- Watter diere het julle gesien?
- Waar het julle geslaap?

Bied die poskaart in die volgende formaat aan:

		SEËL
	ADRES:	

TOTAAL AFDELING C: 20

GROOTTOTAAL: 80